

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КUNДАЛИК ГАЗЕТАСИ

№ 5 (12.316)

Баҳоси эркин нарҳда

ПОЙТАХТНИНГ БИР КУНИ



ЕНГИЛ САНОАТ: ЯНГИ ЛОЙИҲАЛАР, МУҲИМ НАТИЖАЛАР

«Ўзбекенгилсаноат» давлат акциядорлик компанияси таркибига кирадиган 290 та корхона томонидан ип, мато, тикувчилик, тикувчилик-трикотаж, пайпоқ буюмлари каби кўплаб маҳсулотлар ишлаб чиқарилмоқда. Улар орасида Ўзбекистонда хорижий капитал қўйил-маларини ҳимоя қиладиган меъёрий-ҳуқуқий база ва қўлай имтиёз ҳамда преференциялар тизими мавжудлиги туфайли ташкил этилган кўплаб қўшма корхоналар бор. Президентимиз Ислам Каримовнинг 2010 йил 15 декабрда қабул қилинган «2011-2015 йилларда Ўзбекистон Республикаси сан-атини ривожлантиришнинг устувор йўналишлари тўғрисида» ва 2011 йил 27 декабрда имзоланган «Ўзбекистон Республикасининг 2012 йилги Инвестиция дастури тўғрисида»ги Қарорлари тўқимачилик сан-ати учун кенг имкониятлар очиб берди.

«Ўзбекенгилсаноат» давлат акциядорлик компанияси жорий йил охиригача 28 инвестиция лойиҳасини ниҳоясига етказди. Миллий матбуот марказида бўлиб ўтган матбуот анжуманида шу ҳақда маълум қилинди.

«Ўзбекенгилсаноат» давлат акциядорлик компанияси ушбу ҳужжатлар доирасида жорий йилда умумий қиймати 194,8 миллион долларлик 28 инвестиция лойиҳасини амалга ошириш ва натижада 3,7 мингдан ортиқ янги иш ўринлари ташкил этилди. «Ўзбекенгилсаноат» давлат акциядорлик компанияси бошқаруви раиси Илҳом Хайдаров ўз чиқишида шуларни қайд этди.

Пойтахтимизда Швейцариянинг машҳур Maschinenfabrik Rieter AG машинасозлик компанияси билан

ҳамкорликда тўқимачилик ускуналарини ишлаб чиқариш корхонасининг ташкил этилиши муҳим лойиҳалардан бирidir. Мазкур лойиҳа «Ўзбекенгилсаноат» ва Maschinenfabrik Rieter AG ўртасида тузилган шартнома доирасида амалга оширилмоқда. Бунда мамлакатимиз тўқимачилик корхоналарини миллий валютада рақобат нарҳларда ва қўлай муддатларда юқори технологияли ускуналар билан таъминлаш кўзда тутилмоқда.

(Давоми 2-бетда)

Президентимиз Ислам Каримовнинг тақдирномасига биноан Ўзбекистон Республикаси Олий Мажлиси Сенати томонидан 2012 йил 5 декабрда қабул қилинган «Ўзбекистон Республикаси Конституцияси қабул қилинганлигининг йигирма йиллиги муносабати билан амнистия тўғрисида»ги Қарор ижроси изчил таъминланмоқда.

Қарор ва ижро

ЮКСАК БАҲРИКЕНГЛИКНИНГ АМАЛДАГИ ИФОДАСИ

Шу мақсадда мутасадди давлат ва нодавлат ташкилотлари ўзаро ҳамкорликда зарур ташкилий-ҳуқуқий ишларни амалга ошираётир. Амнистия туфайли жазони ижро этиш жойларидан озод этилаётган шахсларнинг жамиятга мослашишини таъминлаш, уларга моддий ва маънавий ёрдам кўрсатиш, иш билан таъминлаш юзасидан зарур чора-тадбирлар белгиланган.

Тошкент вилоятининг Зангиота туманида жойлашган аёллар колониясида мазкур қарор ижросини таъминлашга бағишланган тадбир бўлиб ўтди. Унда ҳуқуқни муҳофаза қилиш органлари ходимлари ва оммавий ахборот воситалари вакиллари иштирок этди.

Президентимиз ташаббуси билан қабул қилинган амнистия тўғрисидаги қарор юртимизда инсонпарварлик тамойили тўла ва изчил таъминланаётганлигининг амалдаги яна бир яққол ифодасидир, — дейди Тошкент махсус прокурорининг ўринбосари Рустам Ҳамидов. — Билмай хато қилганни ёки қилмишидан пушаймон бўлганларни кечириб, уларга яна имкон бериш халқимизга хос фазилатдир. Бундай бағрикенглик ва

кечиримлилик, айниқса, билиб-билмай жиноат қўчилишига кириб қолганларни қайта тарбиялаш, соғлом ҳаётга қайтаришда муҳим аҳамият касб этади.

Қайд этиш жоизки, қарорда жазодан озод этилиши кўзда тутилганлар орасида аёлларга алоҳида эътибор қаратилган.

— Қилган оғир жиноятим учун ўн йилдан ортиқ муддатга озодликдан маҳрум этилгандим, — дейди сирдарёлик Наталья Биктаева. — Ушбу муддатнинг ярми ўтганда юртимизда устувор бўлган инсонпарварлик, кечиримлилик туфайли озодликка чиқиб, уйимга қайтаман. Бу ерда оила, фарзандлар дийдоридан азиз неъмат йўқлигига, улар учун фақат ҳалол меҳнат қилиш тўғри йўл эканига кўп бора иқрор бўлдим. Юртбошимиз томонидан мен каби адашганларга нисбатан кўрсатилган ғамхўрлик ҳаёт йўлини бутунлай ўзгартиради, энди фақат ҳалол меҳнат қилиб, одамларга яхшилик қилиб яшашни ўз олдимга мақсад қилиб қўйдим.

Н.АБДУРАИМОВА,
ЎЗА МУҲБИРИ

ҚИСКА САТРАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **КЕЧА** Тошкент телеминосидида Обод турмуш йилига ба-

ғишланган маданий-маърифий тадбир бўлиб ўтди.

✓ **БУГУН** «Тенгдош» маданият уйида ўтказилган маъруза ва

маънавий-маърифий давра суҳбати «Миллий истиқлол гоёси ва мафқураси» мавзусига бағишланди.

✓ **ЭРТАГА** Шайхонтоҳур туман ҳокимлигида ўтказилган семинар-тренинг «Ёшлар оммавий маданиятга қарши» деб номланади.

Бозор субъектларига сифатли турли банк хизматлари кўрсатишни таъминлашдан эркин рақобатга асосланган бозор муносабатларини ривожлантириб бўлмайди. Негаки, инвесторлар ва ишлаб чиқарувчиларга хизмат кўрсатадиган банк тизимининг имкониятлари кўп жиҳатдан мамлакат иқтисодий тизимининг ривожланиш даражасига боғлиқ.

Қонун кучга кирди

ЎЗБЕКИСТОН БАНК ТИЗИМИ:

ЯНГИ ҚОНУН — ЯНГИ ИМКОНИЯТЛАР

Бугун мамлакатимизда 29 банк, уларнинг 826 худудий филиали ва 2300 дан ортиқ мини-банклар, 9000 дан зиёд банк инфратузилмаси ҳамда 84 банкдан ташқари кредит ташкилотлари фаолият кўрсатмоқда.

Президентимиз Ислам Каримов томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси Ўзбекистон банк-молия тизимини янада мустаҳкамлашда муҳим омили бўлиб хизмат қилмоқда. Унда мазкур тизимни янада мустаҳкамлаш, хусусий банклар ва хусусий мулкка асосланган лизинг, сугурта компаниялари, кредит уюшмалари, микромолиявий ташкилотлар каби молия институтлари фаолиятини ташкил этишнинг қонунчилик асосларини шакллантириш ҳисобидан банк-молия соҳасига хусусий капитални жалб қилишга доир чоралар кўриш зарурлиги белгиланган.

Шу муносабат билан 2012 йил 18 декабрда Ўзбекистон Республикасининг «Хусусий банк ва молия институтлари ҳамда улар фаолиятининг кафолатлари тўғрисида»ги қонуни кучга кирди. Ўзбекистон Республикаси Марказий банкнинг юридик департаменти директорининг ўринбосари Жаҳонгир НУРМУРDOВ Миллий ахборот агентлиги — ЎЗА мухбирига янги қонунни жорий этиш ва амалда қўллаш механизмлари ҳақида сўзлаб берди.

Президентимиз Ислам Каримов раҳнамолигида мамлакатимизда мустақил миллий банк-молия тизимини ташкил этишга қаратилган ислохотлар изчил амалга оширилмоқда, — дейди Ж.Нурмуродов. — Бу борада қўрилган чора-тадбирлар натижасида мамлакатимизда халқро стандартлар талабларига мос ва бугунги кунда изчил ривожланиб ва такомиллашиб бораётган замонавий молия моделини шакллантиришга эришилди.

Вашингтон шаҳрида жойлашган Халқаро валюта жамғармасининг янги тадқиқотлари ҳисобидан натижалари ҳам шундан далолат беради. Ушбу натижаларга кўра, мамлакатимизда 100 минг нафар одамга тижорат банкларининг 48 хизмат кўрсатувчи бўлими тўғри келмоқда, 1000 кишига омонат шартномалари сони бўйича кўрсаткич 1026 тани ташкил қилади. Ўзбекистонга ушбу кўрсаткичлар бўйича юқори баҳо берилган ва шу сабабли мамлакатимиз Марказий Осиё давлатлари орасида банк бўлимига юқори қўра етакчи ўринни эгаллади.

2012 йилда мамлакатимиз 27 тижорат банки, жумладан, саккизта хусусий банки етакчи халқро рейтинг агентликлари-нинг юқори «барқарор» рейтингларига эга бўлгани ҳам диққатга сазовор. Молия ташкилотларининг молиявий барқарорлигини кучайтириш ва уларнинг базисини узоқ муддатли ресурслар бўйича кенгайтиришга оид қўрилган чора-тадбирлар натижасида иқтисодийнинг реал сектори, кичик бизнес ва хусусий тадбиркорлик субъектларини молиялаш суръати тезлашди.

Экспертларнинг фикрича, тижорат банкларининг инвестиция ва кредит фаолиги бўйича фаолиятида ижобий ўзгаришлар кузатишмоқда. Масалан, 2012 йилда иқтисодий реал секторига йўналтирилган кредитлар салмоғи 30,6 фоизга ўсди. Ажратилган кредитлар 86,3 фоизининг манбаини тижорат банкларининг ички ресурслари ташкил қилади. Бунда тижорат банкларининг кредит портфели сифатини яхшилашга доир тенденция ўсиб бораётганини қайд этиш жоиз. 3 йилдан ортиқ муддатга берилган узоқ муддатли, яъни инвестиция кредитлари улушининг кўпайгани бунинг исботидир. 2000 йилда кредит портфели умумий ҳажмида узоқ муддатли кредитлар 35 фоизни ташкил этган бўлса, 2012 йил якунлари бўйича бу кўрсаткич 75 фоизга етди.

Тижорат банкларининг иқтисодий реал сектори корхоналарини модернизация қилиш, уларни технологик ва техник қайта жиҳозлашга йўналтирилган инвестиция кредитлари муҳим аҳамият касб этмоқда. Бу эса молиявий-иқтисодий инқироз шароитида нафақат юқори иқтисодий ўсиш, балки мамлакатимизда макроиқтисодий барқарорлик ва фаровонликка эришиш имконини берди.

Айни пайтда Ўзбекистонда 20 дан ортиқ филиалга эга тўқимачилик хусусий банк, 90 дан зиёд мини-банк, 80 хусусий лизинг компанияси, 70 микрокредит ташкилот ва ломбардлар, 29 хусусий сугурта компанияси фаолият кўрсатмоқда. 2012 йилнинг тўққиз ойи якунларига кўра, уларга кредит ажратиш ҳажми 36 фоизга, кичик бизнес ва хусусий тадбиркорлик кредити билан таъминлаш 34 фоизга, инвестициявий молиялаш 37 фоизга ошди. Шу билан бирга, уларнинг фаолиятини янада ривожлантириш, банк-молия соҳасига хусусий капитални жалб қилиш орқали янги хусусий банклар ҳамда бошқа хусусий молия институтларини ташкил этиш зарурати пайдо бўлмоқда.

(Давоми 2-бетда)



МАМЛАКАТИМИЗДА

• Бувайда туманидаги «Losgigantes Textiles» қўшма корхонаси маҳсулотлари хорижликлар эътиборига ҳам тушиб улгурди. Бунда 2011 йили корхонага Швеция, Италия, Германия давлатларидан келтирилган ўрнатилган сўнгги русумдаги технологиялар қўл келди. Натижада маҳсулотлар тури кўпайиб, жамоа аъзолари сони 200 нафарга етди. Ҳозир бу ерда кунига 10-12 тонна атрофида пахта хом ашёси қайта ишланмоқда. Шуни қайд этиш жоизки, корхона маҳсулотлари хорижлик буюртмачиларга манзур бўлмоқда. Жамоа саяё-ҳаракати билан ўтган йилда 462 минг АҚШ долларилек экспорт амалиётлари бажарилгани бунинг тасдиғидир.

• Китоб туманидаги «Севаз табиий шарбатлари» шўъба корхонасида замонавий технология асосида махсар ёғи ишлаб чиқариш ўзлаштирилди. Мутахассисларнинг таъкидлашича, ноёб экинлардан бири саналган махсар озик-овқат ва энгил сан-ат учун камёб хом ашё ҳисобланади. Ундан лок-бўёқ маҳсулотлари ишлаб чиқаришда ҳам кенг фойдаланилади. Кунжараси эса чорва моллари учун тўйимли озуқа бўлиб, донидаги ёғ миқдори 31 фоизни ташкил этади.

• Қарши шаҳридаги «Cotton Road» қўшма корхонасида тўқиш зичлиги жуда юқори бўлган нафис газлама ишлаб чиқариш ўзлаштирилди. Бунинг учун корхонага Италия, Ҳиндистон ва Хитойдан зарур технология дастгоҳлар келтирилиб ўрнатилди. Шунингдек, мавжуд технологиялар такомиллаштирилди. Бу каби ўзгаришлар туфайли корхона маҳсулотларига нафақат мамлакатимизда, балки хорижда ҳам талаб ортиб бормоқда.

• Бойсун туманида фаолият юритаётган «Марат Максим» хусусий корхонаси жамоаси томонидан қишлоқларда намунавий лойиҳалар асосида қурилаётган уй-жойлар учун бетон блоklar ишлаб чиқариш йўлга қўйилди. Мазкур лойиҳа банкнинг 50 миллион сўмлик кредити ҳисобига амалга оширилди. Бу орқали 10 нафар ёш доимий иш ўрнига эга бўлди.

ЖАҲОНДА

• Буюк Британия Европа Иттифоқи билан муносабатлари бўйича референдум ўтказди. Европадаги иқтисодий муаммолар ушбу мамлакатда Европа Иттифоқига ишончсизлик билан қаровчилар сонининг кўпайишига олиб келди. Британия ҳукумати Брюссель билан муносабатлари ўзгартириш бўйича махсус режани тайёрламоқда, айна пайтда миллий референдумни ўтказишни мўлжалламоқда.

• Яқин Шарқ мамлакатлари ҳам об-ҳаво инжиқликларидан азият чекди. Худудда кучли бўрон эсмоқда. Қуддусда жала қуймоқда, шамолдан даратлар синиб тушмоқда. Бир неча киши яраланди. Тель-Авив шаҳри атрофидаги йўллари сув босган. Аэропортларда рейслар ушлаб қолинмоқда. Синоптиклар бўрон тобора кучайиб бораётганини хабар қилмоқда.

• Бостон шаҳри аэропортида Boeing-787 Dreamliner самолёти ёниб кетди. Хабар қилинишича, Japan Airlines Co Ltd компаниясига тегишли самолёт аэропорт биносига турган жойида ёна бошлаган. Ёнгин самолётнинг қуйи бўлимасида бошланган ва буни механиклар сезиб қолган. Ёнгин бошланганда самолётда йўловчилар бўлмаган, ҳеч ким жарланмаган.

• Стокгольм музейидан ўғирланган Анри Матиссининг «Бог» картинаси ўғирлик содир бўлганидан сўнг 25 йил ўтгач топилди. Асар тахминан бир миллион долларга баҳоланмоқда. Картина Замонавий санъат музейи биносидан 1987 йил 11 май куни тонгда олиб чиқиб кетилган. Ўғрилар музей эшигини тешиб, бинога киришган экан.

Қаҳрамон Фуломжонов санъатимизнинг ёш, умидли гунчаларидан саналади. 2000 йили Қаҳрамон Республика ихтисослаштирилган музыка академик лицейининг биринчи синф фортепиано бўлимига ўқишга кирди. Устози моҳир педагог Гулжаҳон Ҳасанова жаҳон классик композиторларининг мураккаб ва жозибали куйларини танлаб, оналардек меҳр кўрсатиб, қўн билан ўратиб келмоқда.

Қаҳрамон лицейда аъло баҳола-га ўқиш билан биргаликда 2007 йили «Санъат гунчалари» Респу-блика ёш муสิқачилар танловида қатнашиб, III даражали диплом со-ҳиби бўлди. Сўнг 2008 йил 14 май куни Ўзбекистон миллий симфоник оркестри жўрлигида Ўзбекистон Давлат консерваториясидаги уюш-тирилган концертда иштирок этди. 2008 йил ноябрь ойида Қозоғистон-нинг Ақтобе шаҳрида «Классика-2008» кўрик-танловида иккинчи ўринни кўлга киритди. Декабрь ойи-да Қозоғистон Республикасининг пойтахти Остона шаҳрида ўтказил-ган «Астана-Мерей» халқаро кўрик-танловида эса ниҳоят галаба на-шидасини сурди.

— Фортепиано ҳаётимнинг ажрал-мас қисмига айланди, — дейди Қаҳрамон. — Машҳур композитор-лар Бах, Бетховен, Моцарт яратган куйларни ижро этганимда бутун оламга куйларим орқали назар таш-лайман ва ҳаётнинг қанчалар гўзал, сермазмун эканлигини ҳис қиламан.

Қаҳрамон классик му̀сиқадан та-шақари эстрада кўшиқчилигига ҳам қизиқади. 2010 йил «HAVAS» оила-вий гуруҳини тузиб, классика ҳамда эстрада йўналишида ижод қилиб, эллиқдан ошқ жаҳон, миллий ва ўзи яратган куй-кўшиқларни сайқ-аллади. Ёш иқтидор соҳиби газал-лар ва шеърларни мутолаа қилиш-ни ҳам яхши кўради. Алишер Наво-

МУСИҚАДАН ЯРАЛГАН КўНГИЛ

ий, Огаҳий, Машраб, Чархий, замонамиз шoirлари ҳамда отаси Рустамжон Эрматов шеърларига кўшиқлар ижод этиб ўзи куйлайди.

Қаҳрамоннинг келажақда амалга оширмоқчи бўлган ре-жалари ҳам улкан. Синглиси Шаҳноза, укаси 2012 йил фев-раль ойида Францияда скрип-ка бўйича ўтказилган Халқаро кўрик-танлов голиби Дос-тонбек билан «Ижодий учра-шув» концертларини ўтказиб келишмоқда. Жумладан, 2010 йил ноябрь ойида Тошкент шаҳридаги 15-сон болалар санъат мактабида, 2011 йил апрель ойида Наманган шаҳ-ридаги 11-сон болалар санъат мактабида, май ойида На-манган вилояти Уйчи тумани катта концерт залида, декаб-рда Ички ишлар вазирлиги та-шаббуси билан Тошкент шаҳ-ри ҳамда пойтахт вилоятида-ги ўндан ортиқ Меҳрибонлик уйлариинг тарбияланувчилари учун «Кўнгил байрами» оилавий хайрия концертлари ўтказишди. 2011 йил май ойида Самарқанд шаҳрида



бўлиб ўтган Ўзбекистон Респу-бликаси маданият, санъат ва му̀сиқа коллежлари ҳамда академик ли-цейлари ёш ижрочиларининг Рес- ижро этди. Ҳозирда Қаҳрамон Ўзе-кстон Давлат консерваториясининг I босқич талабаси.
Шоҳсанам БЕРДИБЕКОВА

Маънавият НОДИР КИТОБЛАРНИ ВАРАҚЛАБ

Ўзбекистон Миллий кутубхонаси китоб қасри сифатида бутун дунёга машҳур. Бу билимлар хазинасида сақланаётган адабиётлар орасида нодир нашрлар ҳам талайгина.

Чет элларда чоп этилган қадимий китоблардан бири «Шарқ кутубхона-си» деб номланади. Парижда 1697 йилда босилиб чиққан мазкур ада-биётнинг пойтахтимизга олиб келин-ганига юз йилдан ошди.

Туяларга ортилган юклар ораси-да Францияда чиққан китоблардан ҳам намуналар бор эди. Рус олим-лари томонидан Туркистонга юбо-рилган бу нодир китоблар ўшанда собиқ Тошкент халқ кутубхонаси фондидан ўрин олди. Шарқ тарихи-га бағишланган «Шарқ кутубхонаси» наشري ҳам кўндан бери бу ерда сақ-ланмоқда.

Француз шарқшунос олими Бар-толоме Эрбело томонидан тузилган ана шу тўплам чарм билан қоплан-ган бўлиб, унда ўрта осийлик олим ва ёзувчилар ҳақида тарихий маълумотлар берилган. Китобнинг 661-бе-тида эса улуг шoir Алишер Навоий тўғрисида фикрлар баён қилинган. Бу маълумотлар Навоий тўғрисида Европа адабиётида биринчи марта ўз ифодасини топди ҳамда ушбу тўплам-га илк бор киритилди.

«Саъҳатларнинг умумий тарихи» деб номланган нашр ҳам эътиборни ўзига тортади. Бу китоб XVIII асрнинг ўрталарида Парижда чоп этилган бўлиб, 20 жылдан иборатдир.

Китобнинг 1749 йилда босилиб чиқ-қан 9-жилди айниқса қизиқарлидир. Унда ўзбек эркак ва аёлларининг миллий либосдаги кўринишлари ҳам илова қилинган. Бинобарин, кутуб-хонада ҳозир француз тилида чиқ-қан 15 минг номдаги турли нашрлар мавжуд.

Бадий адабиёт намуналари ора-сида машҳур француз адибларнинг асарлари ҳам бор. Бальзак, Мольер ва Дюмаларнинг ҳаёти даврида чоп этилган китобларидан айрим нусха-ларини ҳам олиб ўқиш мумкин.

Ўзбекистонлик таниқли адиб ва олимларнинг Францияда босиб чиқ-рилган асарлари ҳам кутубхонага юбо-риб турилибди. Адиб Садриддин Ай-нийнинг «Судхўрнинг ўлими» китоби 1958 йилда Парижда чоп этилган эди.

Хулоса қилиб айтганда, французча адабиётлар ўзбек китобхонанинг ҳам мулкига айланиб қолди.

Ўзбекистон Республикаси Вазирлар Маҳкамасининг 2011 йил 19 июлдаги «Аҳолини зилзилалар оқибатида юзага келган фавқулодда вазиятларда ҳаракат қилишга тайёрлаш комплекс дастурини тасдиқлаш тўғрисидаги 208-сонли ҳамда Тошкент шаҳар ҳокимлигининг 21 июлдаги 456-сонли, 2011 йил 26 сентябрь кундаги «Аҳолини зилзилалар оқибатида юзага келган фавқулодда вазиятларда (табиий ва техноген тусдаги) ҳаракат қилишга тайёрлаш комплекс дастурини тасдиқлаш тўғрисидаги 616-сонли қарорлари ижросини таъминлаш мақсадида маҳалла фаоллари, коллеж, академик лицей, мактаб ва мактабгача таълим муассасаларида таълим олувчи ва тарбияланувчилар билан жойларда учрашувлар ўтказиш режалаштирилганди.

Шунга мувофиқ, «Аҳолини зилзилалар оқибатида юзага келган фавқулодда вазиятларда ҳаракат қилишга тайёрлаш фаолиятини самарали олиб бориш — доллар бўзи» мавзу-сида семинар ўтказилди. Хусусан, Олмазор туманидаги «Гуручари» маҳалла фуқаролар йиғини иштирокида 28-сонли умумтаълим мактаби биносида, Тошкент Геодезия ва картография касб-хўнара коллежида, Тошкент Ирригация ва мелиорация институти қошидаги Тошкент интер-хаус академик лицейида, Мирзо Улугбек туманидаги 241-сонли умумтаъ-лим мактаби ҳамда 493-сонли мактаб-гача таълим муассасасида муҳофаза тад-бирлари ташкил этилди.

Мазкур тадбирларни ўтказишдан мақ-сад, юқоридаги қарор моҳиятини Тош-кент шаҳри ҳудудида жойлашган барча ташкилот, корхона, идора ва муассаса-ларда фаолият кўрсатаётган ходимларга, шунингдек, маҳаллалар оқсоқоллари ва фаолларига, коллеж, академик лицей, мактаб ва мактабгача таълим муассасаларида таълим олу-вчи ва тарбияланувчиларига етказиш ҳамда тушунириш бўйи-ча учрашувлар ташкил қилиб, фавқулодда вазиятларнинг олдини олиш ва бундай вазиятларда ҳаракат қилиш бора-сида тайёргарликни янада тақомиллаштириш ва тадбирини юқори савияда ўтказишни таъминлашдан иборатдир.

«Тайёргарликдан ўтган инсон, ярим қутқарилган инсон-дир» дейдилар. Дунёда рўй берган фавқулодда вазиятлар ҳақида назар ташлайдиган бўлсак, турли офатлар оқибат-ида қурбон бўлаётган аҳолининг кўпчилиги тайёргарлик-дан ўтмаган ёки ҳавфсизлик қондаларига риоя қилмаганли-ги, фавқулодда вазиятларга шай эмаслиги асосий омиллар-дан бири бўлиб қолмоқда. Шу босис, аҳолини ўз вақтида огоҳ этиш, уларни фавқулодда вазиятларга тайёрлаш, бир-ор кўнгилсиз офат рўй бергудек бўлса, ундан сақлиниш қондаларини тушунириш, тўғри ҳаракат қилишга ўргатиш

мақсадида Тошкент шаҳар Фавқулодда вазиятлар бошқар-маси Аҳолини ва раҳбарлар таркибини тайёрлаш маркази харбий хизматчилари ва хизматчилари томонидан жойлар-да тарбият-ташвиқот ва тушунириш ишлари олиб бори-лмоқда.

Тадбирларда Тошкент шаҳар Фавқулодда вазиятлар бошқармаси, Ўзбекистон Республикаси Фанлар академияси

Фавқулодда вазиятлар бошқармаси фаолиятдан

ҚАРОР ИЖРОСИДА ТАЪМИНЛАШ йўлида

Сейсмология институти, Соғлиқни сақлаш бош бошқармаси, Архитектура ва қурилиш бош бошқармаси, Давлат са-нитария-эпидемиология назорати маркази, «Маҳалла» хай-рия жамоат фонднинг Тошкент шаҳар бўлими, Ўрта мах-сус, касб-хўнара таълими, Халқ таълими бош бошқармалари ва бошқа мутасадди идоралар раҳбар ходимлари ва мута-хассислари иштирок этдилар.

Тошкент шаҳар Фавқулодда вазиятлар бошқармаси бош-лигининг ўринбосари — Аҳоли ва ҳудудларни муҳофаза қилиш бўлими бошлиғи, майор Хусан Бобонов Ўзбекист-он Республикаси Вазирлар Маҳкамасининг 2011 йил 19 июлдаги «Аҳолини зилзилалар оқибатида юзага келган фавқулодда вазиятларда ҳаракат қилишга тайёрлаш комп-лекс дастурини тасдиқлаш тўғрисида»ги 208-сонли қаро-ри билан тасдиқланган «Аҳолини зилзилалар оқибатида юзага келган фавқулодда вазиятларда (табиий ва техноген

Тошкент Темир йўли транспорти муҳандислари институти иқтидорли талабалари техника ижодкорлиги билан ҳам шуғулланмоқдалар. Бундай изланишлардан бир нечтаси «Инновацион лойиҳалар» ярмаркасида ҳам муваффақиятли намоиш қилинмоқда.

КОДЛИ йЎЛ ТРАНСМИТЕРИ

Навбатдаги ярмаркада ҳам бир неча тех-ника ижодкорлиги натижаси ижобий баҳо олди. Олий ўқув юртининг «Автоматика ва телемеханика» факультети томонидан тақдим этилган ишланмалар амалиётга татбиқ қилинди.

Жумладан, «Контактсиз микропроцессор-ли кодли йўл трансмитери» мосламаси ав-валги мавжуд КПТ ва КПГ-7лардан кам энер-гия сарфи, ишлаш мuddатининг узоқли-ги, ҳаракат диапазонининг катталиги билан қараб қилинди.

Шунингдек, қурилиш факультети талаба-ларининг рационализаторлик ишланмалари ҳам ижобий баҳо олди.

Ақбар АЛИЕВ

тусдаги) ҳаракат қилишга тайёрлаш комплекс Дастури» та-лабларини етказиш ва унинг мазмун-моҳиятини тушуни-риш, Тошкент шаҳар Ўрта махсус, касб-хўнара таълими бош бошқармаси бошлиғи Фаррух Иноятов «Кўн тартибда кўри-лаётган масала юзасидан пойтахт миқёсида академик ли-цейларда олиб борилаётган ишлар ва мавжуд муаммолар тўғрисида», Тошкент шаҳар Соғлиқни сақлаш бош бош-қармаси бошлиғи ўринбосари Асомиддин Тожиев «Зилзи-лалар рўй берганда жабрланган фуқароларга биринчи тез тиббий ёрдам кўрсатиш ишларини ташкиллаштириш тўғри-сида», Архитектура ва қурилиш бош бошқармаси бош му-тахассиси Собиржон Саидов «Аҳоли орасида зилзилага чи-дамли якка тартибдаги уйлар қуриш қондалари тўғриси-да», Ўзбекистон Республикаси Фанлар академияси Сейс-мология институти лаборатория мудири, таниқли сейсмо-лог олим Обиджон Жўраев «Ўзбекистонда сейсмик ва сейсмопрогностик мониторинг тизими ҳамда олий бори-лаётган профилактик чора-тадбирлар тўғрисида», Тошкент шаҳар Ёнгин хавфсизлиги бошқармаси бошлиғи Бахтиёр Пулатов «Маҳаллаларда ва жамоат ташкилотларида ёнгин хавфсизлигининг олдини олиш ва профилактик чора-тад-бирлар тўғрисида», Тошкент шаҳар Халқ таълими бош бошқармаси бошлиғи ўринбосари Авазбек Мамажоновнинг «Кўн тартибда кўрила-ётган масала юзасидан пойтахт миқёси-да умумтаълим мактабларида ва мактаб-гача таълим муассасаларида олиб бори-лаётган ишлар ва мавжуд муаммолар тўғрисида»ги маърузалари тингланди.

Шунингдек, мазкур тадбирларда Ўзе-кстон «Маҳалла» хайрия жамоат фонди-нинг Тошкент шаҳар бўлими раиси Жа-вдат Иноғомов ҳамда туман маҳалла фу-қаролар йиғинлари раислари, коллеж ва мактаб директорлари, мактабгача таълим муассасалари раҳбарлари ўзларининг маърузалари билан иштирок этдилар.

Тошкент шаҳар ФВБ бошлигининг биринчи ўринбосари — Штаб бошлиғи подполковник Элдор Орипов, Аҳолини ва раҳбарлар таркибини тайёрлаш маркази бошлиғи, катта лей-тенант Элёр Аҳмадиев, хизматчилардан Умнат Сувонов, Бахтиёр Мирзаевлар Фуқаро муҳофазаси, ҳаёт ҳавфсизли-ги асосларига оид маърузалари билан қатнашдилар ва бар-чани қизиқтирган саволларига атрофлича жавоб бердилар.

Таъкидлаш жоизки, белгиланган режа бўйича семинар-лар ва ўқув машғуларидан ташқари, пойтахтимиз туманлари ҳудудида жойлашган бошқа муассасалар, корхона ва таш-килотлар ҳамда аҳолининг иш билан банд бўлмаган тоифа-лари билан маҳаллаларда машғулотлар ва суҳбатлар ўтка-зиш давом этмоқда.

Азамат СУЮНОВ



Меҳнат таътили мuddатининг маълум сабаб-ларга кўра узайтирилиши ёки унинг бошқа мuddатга кўчирилиши мумкинми?

Ё.Хусайинов, Олмазор тумани

Ўзбекистон Республикаси Меҳнат Кодексида бел-гиланган тартиб-қоидага асосан:

Ходимларнинг вақтинча меҳнатга қобилиятсиз-лик даврида:

Ҳомиладорлик ва туғиш таътили бошланганда;

Йиллик таътил ўқув таътилига тўғри келиб қол-ганда.

Шунингдек, давлат ёки жамоат вазифаларини ба-жараётганда, башарти, қонун ва бошқа норматив ҳужжатларда бундай вазифаларни бажариш учун ходимни ишдан озод этиш назарда тутилган бўлса, таътилни узайтириш ёки уни бошқа мuddатга кўчи-риш ҳуқуқига эга.

Агар таътилдан фойдаланишга тўқсинлик қилув-чи сабаблар таътил бошлангунга қадар келиб чиқ-қан бўлса, ходим билан иш берувчи ўртасидаги келишувга биноан, таътилдан фойдаланишнинг янги мuddати белгиланади. Бундай сабаблар таъ-тил даврида келиб чиққан ҳолларда таътил тегиш-ли кунлар сонига узайтирилади. Ёки ходим билан иш берувчининг келишувига биноан, таътилни фойдаланилмай қолган қисми бошқа мuddатга кўчи-рилади.

Ходимнинг таътилдан фойдаланишга тўқсинлик қилувчи сабаблар тўғрисида иш берувчини хабар-дор қилиши шарт эканлиги белгиланган.

Бўрибой МИРАЛИМОВ, Рустам НОРОВ, Мирзо Улуғбек туман ДНИ нотариуслари

Маъмурий ҳуқуқбузарлик эҳтиётсизлик орка-сида содир этилган деб топилса, жавобгар-ликдан озод қилиниши мумкинми?

Б. Акбаров, Чилонзор тумани

Ўзбекистон Республикасининг «Маъмурий жавоб-гарлик тўғрисидаги» кодексигада қоидага асосан:

Агар маъмурий ҳуқуқбузарлик содир этган шахс ўз ҳаракати ёки ҳаракатсизлиги зарарли оқибат-ларга олиб келиши мумкинлигини олдиндан кўра билган бўлса ҳам, лекин эътиборсизлиги билан уларнинг олдини олиш мумкин деб ўйлаган бўлса, ёки бундай оқибатларнинг келиб чиқиши мумкин-лигини олдиндан кўриши лозим ва мумкин бўлгани ҳолда шундай қилолмаган бўлса, бундай маъмурий ҳуқуқбузарлик эҳтиётсизлик орқасида содир этил-ган деб ҳисобланади.

Шу Кодексининг «Маъмурий жавобгарликдан озод қилиш» деб номланган 21-моддасига кўра: Содир этилган маъмурий ҳуқуқбузарлик кам аҳамиятли бўлган тақдирда, шу ишни кўриб чи-қишга ваколати бўлган орган ҳуқуқбузарни маъ-мурий жавобгарликдан озод этиб, уни огоҳлан-тириш билан кифояланиши мумкинлиги белги-ланган.

Хусан КАЗАКБОВЕВ, Ҳамза тумани ДНИ нотариуси

Ходимнинг келишувига кўра, меҳнат шарт-номасини бекор қилиш ҳақидаги таклифи иш берувчи томонидан рад қилинган ҳолларда, хо-дим ўз хоҳиши билан меҳнат шартномасини бе-кор қилишга ҳақли бўлиши мумкинми?

Л.Азизов, Миробод тумани

Тарафларнинг келишувига кўра, меҳнат шарт-номасини бекор қилиш ҳақидаги ходимнинг таклифи иш берувчи томонидан рад қилинганда, ходим Ўзе-кстон Республикаси Меҳнат Кодексининг 99-мод-дасига мувофиқ, ўз ташаббуси билан меҳнат шарт-номасини бекор қилишга ҳақлидир.

Бунинг учун ходим белгиланган тартибда ариза бериши ва огоҳлантириш мuddати ўтганидан кей-ин иш берувчининг рози бўлиш ёки бўлмаслиғи-дан қатъи назар ишни ташлаб кетишга ҳақли бўла-ди. Бунга мувофиқ, айтиш мумкинки, сиз иш бе-рувчи томонидан рад қилинганда ҳам меҳнат шарт-номасини бекор қилишга ҳақлисиз. Бунинг учун бел-гиланган тартибда ва мuddатини кўрсатган ҳолда ариза берасиз. Сўнгра, бу мuddат ўтган, иш берув-чининг рози бўлиш ёки бўлмаслиғидан қатъи на-зар ишдан кетишга ҳақлисиз.

Фозилхўжа НАБИЕВ, Олмазор туманидаги 11-сонли ДНИ нотариуси

Ўғлим эски ҳовли сотиб олиб, ўрнига икки қаватли иморат соляпти. Ён қўшнисининг ай-тишича, унинг ҳовлисига қуёш нури тушмай, зах тортиб қолар эмиш. Шу сабабли иморат қурилишига эътироз билдирмоқда. Акс ҳолда шикоят қилар эмиш. Бундай ҳолатда қўшни-нинг шикоятини эътиборга олиниши мумкинми?

Ш.Қудратов, Миробод тумани

Ўзбекистон Республикаси Вазирлар Маҳкамаси-нинг 272-сонли қарори билан тасдиқланган «Якка тартибдаги уй-жой қурилиши тўғрисида»-ги Низомга кўра, якка тартибда ишлаб чиқилган уй-жой лойиҳаси туман архитектору билан кели-шилиши, ҳамда тегишли рухсатнома олиниши, лойиҳаси шаҳарсозлик меъёрлари ва қоидала-рига мос келиши шарт қилиб белгиланган. Бу Низомга асосан, ўзбошимчилик билан уй-жой қуриш аниқланган тақдирда туман Архитектура ва қурилиш органларининг мансабдор шахслари томонидан бу ҳолат тўғрисида далolatнома ту-зилади. Шундан сўнг, ҳуқуқи бузилган шахс ёки тегишли давлат органининг даъвоси бўйича ўзбо-шимчилик билан қурилган иморат суднинг қаро-рига кўра, уни қурган шахс томонидан ёки унинг ҳисобидан бузиб ташланиши керак бўлади. Бун-дан келиб чиқиб айтиш мумкинки, иморатни қуришдан олдин ўзингиз яшаб турган туман ар-хитектурага мурожаат этишингиз ва уйнингизни қуриш меъёрлари ва қоидаларига мос келиши тўғрисида тегишли рухсатнома олиниши керак бўлади.

Шарофиддин САРИМОВ, Чилонзор туманидаги 8-сонли ДНИ нотариуси



Владимир Гунин олган суратлар

Ўзбекистонда мустақиллик даврида ўзбек халқининг ноёб тарихий-маданий қадриятларини асрашга, юртимизнинг замонавий бадий санъатини ҳар томонлама ривожлантиришга шароит яратишга ва жаҳон маданий жараёнида тасвирий ва амалий безак санъати доирасида халқаро алоқалар ўрнатишга эътибор қаратилди.

Рассомлик санъатининг мавзуси кенгайтирилади. Миллий тарихимиз билан боғлиқ воқеалар, тарихий шахсларнинг образлари ўзига жалб этди. Миллий мавзу ва тарихий мавзуларга эътиборнинг ортиши натижасида санъат ихлосмандлари ва мутахассислар томонидан илиқ қарши олинган Соҳибқирон Амир

Кўргазмалар

ФИКРЛАР ПАРВОЗИ

Темур ва темурийлар даври, озодлик учун кураш тарихи, воқеалари, тарихий шахслар сиймолари акс этган асарлар яратилди. Рассомларнинг миллий образ ва сюжетлар, тарихимизнинг айрим қирралари акс этган асарларида Шарқнинг маънавий қадриятларини, реалистик рангтаъсир мактаби анъаналарининг давомийлигини кўради.

Ўзбекистон Республикаси Президенти Ислам Каримов фармони билан 1997 йили Ўзбекистон Бадий академиясининг ташкил этилиши маданий ҳаётимизда муҳим воқеа бўлиб, республикада рассомларнинг ижод қўламининг янада кенгайтиришда муҳим омил бўлди. Ижод эркинлигини қўлга киритган рассомларнинг услубий ранг-ба-

рангликда асарлар яратиш жараёнининг янада тезлашишига йўл очилди. Ўзбекистон замонавий тасвирий санъати жадал ривожланди. Бадий таълимнинг асарларда замонавий давр руҳини, ижодий индивидуаллик, санъатдаги миллий ўзига хосликни кўради.

Давра суҳбатларида таъкидлангандек забардаст рассомларимизнинг ижод намуналари миллий санъатимизнинг ўтмиши, бугуни ва келажакга ўртасида «Кўприк» вазифасини ўтамоқда.

Бундай кўргазмалар айниқса санъат сирларидан воқиф бўлаётган ёшларга нафақат профессионал маҳорат сирларини ўрганишга, шунингдек, комил инсон бўлиб етишишлари учун ҳам аҳамиятлидир. Кўргазмага келаётган томошабинлар нафақат рассомлар, ҳайкалтарошлар, маданиятимизнинг турли йўналишидаги ижодкорлар, балки ўқув юртлири ўқувчилари, талабалари, турли касб эгалари ҳамдир. Кўргазма намойиши жорий йилнинг январь ойи охиригача давом этади.

2013 йил кириб келиши ара-

фасида Ўзбекистон Бадий академиясининг Марказий кўргазмалар залида очилган, шу академиянинг ташкил этилганлигининг 15 йиллигига бағишланган рассом академикларнинг юбилей кўргазмасига намойишга қўйилган асарлар — бу мамлакатимизнинг замонавий тасвирий ва амалий безак санъати ривожланишидаги муайян бир даврдир. Муаллифларнинг ижоди ўзининг тури, жанри, услуби билан ажралиб туради. Намойиш этилаётган асарларда замонавий давр руҳини, ижодий индивидуаллик, санъатдаги миллий ўзига хосликни кўради.

Давра суҳбатларида таъкидлангандек забардаст рассомларимизнинг ижод намуналари миллий санъатимизнинг ўтмиши, бугуни ва келажакга ўртасида «Кўприк» вазифасини ўтамоқда.

Бундай кўргазмалар айниқса санъат сирларидан воқиф бўлаётган ёшларга нафақат профессионал маҳорат сирларини ўрганишга, шунингдек, комил инсон бўлиб етишишлари учун ҳам аҳамиятлидир.

Кўргазмага келаётган томошабинлар нафақат рассомлар, ҳайкалтарошлар, маданиятимизнинг турли йўналишидаги ижодкорлар, балки ўқув юртлири ўқувчилари, талабалари, турли касб эгалари ҳамдир. Кўргазма намойиши жорий йилнинг январь ойи охиригача давом этади.

Ҳасан АБДУНАЗАРОВ

Таълим

КАФЕДРАДА КОМПЬЮТЕР СИНФИ

Бугунги кунда «Почта хизмати» йўналишида қатор янгиликлар жорий этилмоқда. Тошкент Ахборот технологиялари университети иқтисод ва бошқарув факультетининг «Почта хизматини автоматлаштириш» кафедраси жамоаси изланиши билан яна бир қулайлик муҳайё этилди.

Кафедра тасарруфида «Почта хизмати» йўналишида компьютер синфи очилди. У 20 га яқин компьютер, сканер қурилмалари, нусха кўчириш, факс аппаратлари каби замонавий ахборот технологиялари билан таъминланди. Шунингдек, интернет тармоғига уланди. Маълумот учун яна шуни айтиш жоизки, кафедра ўқув юкламасига почта хизматини ахборот тизимлари, почта хизматининг технологик жараёнларини автоматлаштириш йўналишлари бўйича фанлар киритилиб, шу асосда талабаларнинг компьютер саводхонлиги оширилмоқда. «Тошкент почтама» филиалида эса ишлаб чиқаришга жорий этилган «Электрон пул жўнатмалари», «Аҳолидан коммунал тўловлар қабул қилиш» ахборот тизимларининг дастурий таъминотлари кафедрада компьютер синфи тармоқ серверига ўрнатилди. Шунингдек, кафедрада «Намунавий почта алоқа бўлими» ҳам ишга тушди.

Чилонзор туманида жойлашган 90-умумтаълим мактаби чемпионлар билим даргоҳи деб эъозланади. Ҳақиқатан ҳам бу ерда таҳсил кўрган ўқувчилар кўп ва халқаро мусобақалар ғолиби бўлишган.

ЧЕМПИОНЛАР МАКТАБИ

— Мамлакатимизни дунёга танитишга ўз ҳиссасини қўшган, бутун жаҳон саҳнасида байроғимизни баланд кўтарган шахматчи Рустам Қосимжонов айнан бизнинг мактабда ўқиганини айтиб ўтмоқчиман, — дейди жисмоний тарбия ўқитувчиси Марис Валиулин. — Бир қанча ўқувчиларимизнинг «Умид ниҳоллари» спорт мусобақасида ғолиб бўлгани замирида ҳам ана шу талабаларни кўришимиз мумкин. Мактабнинг моддий-техник негизидан тўлақонли фойдаланилмоқда. Замонавий спорт инвен-

тарлари билан жиҳозланган залда жисмоний тарбия дарси машғулотларини юқори савияда ўтказиш учун барча шароитлар муҳайё. Бу ерда баскетбол, мини футбол, волейбол, стол тенниси, кураш секциялари ишлаб турибди.


Тау-жит-цу спорт тури билан шугулланиб келаётган иқтидорли ёшларимиздан бири Жаҳонгир Маматов шу йўналишда республика биринчилиги ғолиби бўлди. У халқаро мусобақаларда қатнашиш учун кизгин ҳозирлик кўрмоқда.

Озод АХМЕДОВ

Сил бактериялари қандай юқадилар? Сил таёқчалари ҳаво орқали тарқалади. Улар касалланган кишиларнинг ўпкасида ривожланади ва кўпаяди. Бунда яллиғланиш юз беради, кейинчалик тўқима зарарлана бошлади, парчаланиш пайдо бўлади. Бу ерда миллионлаб бактериялар тўланади. Бемор йўталганда, акса урганда, гаплашганда сил бактериялари ҳавога ажралиб чиқади. Сил бактериялари ҳавода бир неча соатгача сақланиши мумкин. Агар очик (юкумли) шаклдаги сил билан касалланган бемор шамоллатилмаган хонада узок вақт ўтказган бўлса, шу ердаги ҳавода айлануб юрган бактерияларнинг сони шунчалик кўпайиб кетадики, улар бошқа кишиларнинг нафас йўлларига осонликча ўтади. Бу силни юқтиришнинг асосий йўли бўлиб, ҳавотомчи усули деб аталади.

Сил билан касалланган бемор оқсил ва витаминларга бой овқатларни истеъмол қилиши керак. Сутли маҳсулотлар, сабзавот ва мевалар, турли шарбатлар ҳам овқатланиш рақсонига киритилиши зарур.

Феруза САЙФУТДИНОВА,
шаҳар болалар сил касаллиги сихатгоҳи
шифокори



МАШРИҚЗАМИН — ҲИКМАТ БЎСТОНИ

Баъзилар бировнинг марҳаматини бошқадан қизғанади.

Бу ҳаётда ҳар нарсанинг ўз тўлови бор.

Ўйлаганинг ҳамиша ҳам бўлавермайди.

Йиллар қиёфанда ўз изини қолдиради.

Биз нимадандир норози бўлсак, бу ўша нарсанинг моҳиятини тушунмаганимиздан.

Бир куни келиб тушунганда бу ишимиздан пушаймон бўламиз.

Ким ақл билан яшайди, ким нақл билан.

Нодон ҳазилни ҳам чин ўрнида қабул қилади.

Нодон бировнинг йўлига гов бўлишни хуш кўради.

Гап кўп жойда иш оз бўлади.

Ўйламаган ва кутмаганимиз туфайли муқаррар нарса ҳам бизга кутилмаган бўлиб чиқади.

Ким бўлмаган ишни ҳам бўлдиради,
Ким битиб турган ишни ҳам ўлдиради.

Андиша ўзининг зиёнингдау бошқаларнинг фойдасига ишлайди.

Нодоннинг кўнгли тор бўлади.

Худбин ўз зиёнига хизмат қилувчи сўзни ҳам, ишни ҳам тан олмайди.

Керакли нарсани интилиб қўлга киритолмаганинг ҳолда кераксиз нарса ҳаммиша оёғининг остидан чиқади.

(Давоми бор)

Эргаш ОЧИЛОВ тайёрлаган

Мутахассис маслаҳати

ДАВОЛАШ ТЎҒРИ ТАШКИЛ ЭТИЛСА

Сил касаллиги жаҳон муаммоси бўлиб, дунё ҳамжамиятига таҳдид солмоқда. 1993 йилда жаҳон соғлиқни сақлаш ташкилоти (ЖССТ) силни жамият соғлиғини сақлашнинг глобал муаммоси деб эълон қилди.

Сил — қандай касаллик? Сил — инфекцион (юкумли) касаллик бўлиб, сил таёқчаларининг организмга тушиши оқибатида ривожланади. Бундай касаллик биринчи навбатда ўпкани зарарлайди. Баъзи ҳолларда мия ва мия қобиғи сили, суюқлар, бўғинлар, буйрақлар, жинсий аъзолар, кўз, ичак ва бошқа аъзолар сили ҳам кузатилади. Сил билан касалланган беморларнинг 75 фоизини 20-40 ёшдаги кишилар, яъни меҳнатга лаёқатли ва туғиш ёшидагилар ташкил қилади. Бугунги кунда аксарият сил касалликларини да-

волаш мумкинлиги исботланган. Агар сил касаллигини аниқлаш ва даволаш тўғри ташкил этилса, қатъий назорат остида ва тўхтатиб қўйилмасдан олиб борилса, беморлар албатта соғайиб кетади.

Сил қандай катта хавф туғдиради? Ҳар йили дунёда силдан 2 миллион киши ҳалок бўлмоқда. Сил ҳар йили ер юзидеги аёлларнинг тахминан бир миллионтасининг ёстиғини қуритмоқда, бу эса оналар орасида учрайдиган барча ўлим ҳолатларидан ҳам кўп демакдир.

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

Санаят корхонаси «Корхона бош энергетикнинг биринчи ўринбосари» лавозимига ТАНЛОВ ЭЪЛОН ҚИЛАДИ:

Даъвогарга қўйиладиган талаблар: соҳа бўйича олиқ маълумот, муҳандис-техник ва раҳбарлик лавозимларида ишлаш бўйича — камида 5 йиллик тажрибага эга бўлиши, хавфсизлик бўйича руҳсат берилган гуруҳи — бешинчидан наст бўлмалиги керак. Иш ҳақи — суҳбатлашиш якуни бўйича белгиланади. Лавозим бўйича кўтарилмиш иштиқболлари мавжуд.

Шунингдек, корхонага юқори ма-лакали электриклар ва КИПиА созловчилари ишга қабул қилинади.

Корхона хизмат транспорти, бепул овқат билан таъминлайди.

Иш ҳақи ўз вақтида тўланади. Чимёнда болалар соғломлаштириш оромгоҳи мавжуд.

Мулоқот учун телефонлар:
241-10-81, 929-55-97.

«ТОШКЕНТ ОҚШОМИ» ва «ВЕЧЕРНИЙ ТАШКЕНТ»

Эълонлар шанба ва якшанбадан ташқари ҳар куни соат 9.00 дан 16.00 гача қабул қилинади.
Маълумотлар учун телефон:
233-28-95. Факс: (371) 233-21-56.
Манзилмииз: Матбуотчилар кўчаси, 32-уй, 2-қават, 223-хона.

ЎЗГИДРОМЕТ Узгидрометнинг мониторинг хизмати маълумоти кўра, 9 январда Тошкент шаҳри об-ҳаво шароити ҳаво муҳити зарарли моддаларнинг бир оз йиғилишига имконият ятади. Атмосферанинг ифлосланиши даражаси 1-3 фоиз кўпайиши тахмин қилинмоқда, тагмиқдорни наст бўлади.

Тошкент Оқшоми

Манзилмииз: 100029, Тошкент шаҳри, Матбуотчилар кўчаси, 32

ТЕЛЕФОНЛАР:
Эълонлар: 233-28-95, 236-57-65. факс: (371) 232-11-39

2007 йил 19 январда Тошкент шаҳар Матбуот ва ахборот бошқармасида 02-1-рақам билан рўйхатга олинган

Нашрни етказиб бериш масалалари бўйича турар жойлардаги почта бўлимларига ёки «Тошкент почтама»га — 233-74-05 телефонига мурожаат қилишингиз мумкин.
Газета таҳририят компьютер марказида терилди ва саҳифаланди

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзил:
vto2007@mail.uz

Буюртма Г- 141

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

Ҳажми — 2 босма табок, офсет усулида босилади.
12967 нусхада босилди.
Қўғоз бичими А-2

Нашр учун масъул
Д. Исроилов

«Шарқ» нашрият-матбаа акциядорлик
компанияси босмахонаси. Корхона
манзили: Буюк Турон кўчаси, 41-уй

Бош муҳаррир
Акмал АКРОМОВ

Топшириш вақти: 13.00

Босишга топширилди: 14.30